

«Хадичаи Кубро» мадрасасига янги раҳбар тайинланди



16:58 / 05 январь 1569

Шу йил 5 январь куни «Хадичаи Кубро» аёл-қизлар ўрта махсус ислом таълим муассасаси педагог-ўқитувчиларнинг йиғилиши бўлиб ўтди.

Унда ташкилий масала кўрилди. Ўзбекистон мусулмонлари идораси Хотин-қизлар масалалари бўйича бўлим мудираси вазифасида ишлаб келаётган Марям Абдуллаева "Хадичаи Кубро" аёл-қизлар ўрта махсус ислом таълим муассасаси директори лавозимига тайинланди.

Марям Абдуллаева умумтаълим мактабларида, «Хадичаи Кубро» аёл-қизлар ўрта махсус ислом таълим муассасасида ўқитувчи, Ўзбекистон мусулмонлари идораси Масжидлар билан ишлаш бўлими, Хотин-қизлар масалалари бўйича бўлимларида масъул лавозимларда фаолият олиб борган.

Тадбирда сўзга чиққан Ўзбекистон мусулмонлари идораси раиси ўринбосари Муҳаммадолим домла Муҳаммадсиддиқов таълим сифатини ошириш, ўқитувчиларга муносиб шароитлар яратиш, талаба-қизларнинг билим ва кўникмаларини юксалтиришга алоҳида урғу қаратиш зарурлигини таъкидлади. Шунингдек, янги раҳбарга таълим муассасаси жамоаси ҳам елкадош бўлиб, ҳамжиҳатликда бир ёқадан бош чиқарган ҳолда иш юритиши катта ютуқларга омил бўлишига ишонч билдирди.

